

ZAPISNIK

sa dvadeset treće sjednice Školskog odbora JU OŠ „Hilmi ef. Šarić“ Tarčin održane 16.02. 2024. godine sa početkom u 14,00 sati

Prisutni : Džeko Šefkija predsjednik, te članovi : Ramić Meliha, Fišo Amela i Keško Muharem;

Odsutni:

Prisutni ispred uprave škole: direktor i sekretar škole,

Za sjednicu predložen sljedeći dnevni red:

- 1 Usvajanje zapisnika sa prethodne sjednice,
- 2 Upoznavanje sa Odlukom Ministarstva za odgoj i obrazovanje, za radno mjesto ložača,
- 3 Razmatranje i usvajanje Plana nabavki- škola u prirodi za 2024. godinu
- 4 Donošenje Odluke o imenovanju Komisije za povredu radne dužnosti
- 5 Tekuća pitanja

Dnevni red je jednoglasno usvojen.

AD 1.

Zapisnik sa prethodne sjednice jednoglasno je usvojen.

AD 2.

Direktor škole informisao je odbor da je od strane Ministarstva za odgoj i obrazovanje Kantona Sarajevo stigao akt dana 09.02.2024. godine, protokolisan pod brojem. 11-05/02-30-50904-4/23 od 05.02.2024. godine, Odluka o poništenju Odluke, broj:01-1-752/23 i Odluke, broj: 01-1-760/23, a odnosi se na radno mjesto ložača. Odlukom Ministarstva za odgoj i obrazovanje poništava se Odluka Školskog odbora Javne ustanove Osnovna škola „Hilmi ef. Šarić“, Civilnih žrtava rata 36, broj:01-1-752/23, i broj: 01-1-760/23 od 10.11.2023. godine, na žalbu Mehović Dane i Čička Dženana izjavljenu protiv odluke direktora škole, broj: 01-3-725/23, od 01.11.2023. godine, o izboru kandidata Lihovac Almira za radno mjesto ložač, na određeno vrijeme od okončanja konkursne procedure do povratka radnika sa bolovanja, a najkasnije do 31.08.2024. godine.

U Odluci se nalaže Javnoj ustanovi Osnovna škola „Hilmi ef. Šarić“ Tarčin, odnosno odgovornom licu, da u postupku provođenja konkursne procedure po javnom konkursu za radno mjesto ložač otkloni nepravilnosti na način da poništi javni konkurs u školskoj 2023/2024. godini, od 28.09.2023. godine u dijelu tačka I pod b) i isti ponovo raspiše u skladu sa članom 161, alineja e) tačka 3). Pravilnika o radu, broj: 01-1-844/23, od 14.12.2023. godine.

S obzirom na to da se radi o poništenju Odluka Školskog odbora, od strane Ministarstva, nakon razmatranja žalbi po konkursu za radno mjesto ložač na određeno vrijeme do 31.08.2024. godine, gdje su kandidatima date upute o žalbi, podnošenjem tužbe Kantonalnom sudu u Sarajevu, a kako je direktorica škole postupajući po inspekcijском pregledu Inspektora rad, zaštite na radu i socijalne zaštite-inspekcija rada, 23.11.2023. godine naložila Komisiji da izvrši ponovo bodovanje i napravi konačnu rang listu u skladu sa primjedbama Kantonalne uprave za inspekcijske poslove. Ponovom redosljedu kandidata izabrani Lihovac Almir i dalje se nalazio među prva tri kandidata. Po tom redosljedu direktor i Školski odbor su se očitovali na sjednici Školskog odbora održanoj dana 14.12.2023. godine. Ministarstvo svojom Odlukom nakon svih pregleda od strane inspekcije, ponovo umanjuje bodove izabranom kandidatu što je malo čudno, mišljena smo da su se trebali ranije očitovati

da ne dođe do ovih nesuglasica kada je u pitanju bodovanje kandidata, navedenih u Odluci Ministarstva od 05.02.2024. godine.

Školski odbor, nakon što su upoznat od strane direktora škole, jednoglasno je naložio da se uradi Obavještenje o poništenju dijela javnog konkursa u dijelu I pod b) na određeno vrijeme od okončanja konkursne procedure do povratka radnika sa bolovanja, a najkasnije do 31.08.2024. godine za: -Ložač 1 izvršilac, 40 sati sedmično.

Također Školski odbor je naložio da direktor škole traži ponovno Saglasnost od strane Ministarstva za raspisivanje konkursa za radno mjesto ložač na određeno vrijeme do 31.08.2024. godine, s obzirom da je proteklo dosta vremena od prvog raspisivanja konkursa, a i nova je budžetska godina.

Donesena je Odluka protokolisana pod brojem: 01-3-70/24 da izabranom kandidatu Lihovac Almiru prestaje radni odnos sa 16.02.2024. godine, prestanak Ugovora broj:06-765/23 od 14.11.2023. godine.

Školski odbor je saglasan da se Lihovac Almir angažuje na određeno vrijeme do okončanja konkursne procedure, u skladu sa članom 110. Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo.

AD 3.

Direktor škole informisao je odbor da je Vlada Kantona Sarajevo dala prijedlog nacrt budžeta svim školama, a samim dostavljanjem prijedloga stvorili su se uslovi za izradom Plana nabavki za 2024. godinu. Na osnovu Zakona o javnim nabavkama (Sl. Novine FBiH br. 39/14 i 59/22) i odobrenog budžeta za našu školu, od strane Vlade Kantona Sarajevo, i nakon što je usvojem Plan nabavki za 2024. godinu, potrebno je uraditi Izmjene Plana nabavki za realizaciju Škole u prirodi za učenike IV razreda, konto 613900, cirka 12.379,20 KM bez PDV-a. Za realizaciju škole u prirodi sredstva će obezbjediti Ministarstvo za obrazovanje u skladu sa svojim aktom broj: 11-07/01-11-2435/24 od 08.02.2024. godine.

Školski odbor je jednoglasno usvojio Izmjene Plana nabavki za 2024. godinu, Škola u prirodi za učenike IV razreda.

AD 4.

Jednoglasno je donesena Odluka da se na prijedlog Nastavničkog vijeća, u Komisiju za povredu radne dužnosti na period od dvije godine imenuju:

1. Vesim Šehić, predsjednik (nastavnik predmetne nastave),
2. Mersudin Tufo, član (nastavnik razredne nastave)
3. Mirsad Tufo, član (sekretar škole)

Odluka stupa na snagu danom donošenja

Sjednica završena u 16,00 sati.

ZAPISNIČAR

Mirsad Tufo

PREDSJEDNIK ŠKOLSKOG ODBORA

Dzeko Šehić